

# Чик шиидвр

Садовой селән. Эн селән деер «Гигант» гидг колхоз бәәнә. Колхозин тәрәнд Садовск дундин школин сургъульчир кодлхәнә. Тедн зүсн-зүүл кодлмш дасцхана. Үлгүрлхд, Юра Душевский Коля Перевозчиков хойр тәрәнд гарар ус өгдг дасв, теднә үүрмүд Витя Дейнега, Коля Сологубов эдн ус цацг установакар тәрә услдг болдж гарв.

— Бидн колхозд кодлхдән ик дуртавдн. Энд меддж авсн кодлмшин дамшлт манд хөөннь, школ чиләсн цагт сән дөнъ болх. Би школан төгсәчкәд колхозд кодлнәв, — гидж Вася Выстропов келнә.

Школд кест олн кружокс бүрдәсн бәәнә: киномеханикин, шоферин, үүл бәрдг, хувц-хунр ишкдж уйдг, сән хот кедг кружокс. Эн кружоксас талдан, дасджах предметлә ирлдг кружокс бас бәәнә: биологическ, астрономическ, математическ, химическ болн нань чигн. Көвүд-күүкд эврәннь республикин эдл-ахун тускар, районаннь туудж краеведческ кружокд дасцхана.

Школд гурвн гектар тәрән-темс тәрдг участка бәәнә. Эн участка сургъульчирт селәнә эдл-ахун кодлмш дасхд ик тус болна. Дакад болхла сән сад бәәнә, терүнднъ виноград, альмн, өрг, айва, чи болн талдан чигн темсн ургъна. Дамшлтин школин участка эн джил минъгън тавн зун арслнъ мөнъгнә ору өгв.

Школин директор үр Б. Иванов иигдж келнә: — «Школин залгьлдаг

джиргьллә батруллгън боли ори-нургин олн-әмтнә сургъуль-эрдмин системиг цааранднъ өргджүллгънә тускар» гаргъсн КПСС-н ЦК-н боли СССР-н Министрмүдин Советин тезисмүд ик чик шиидвр гидж мана школин багшнр хургтан темдглв. КПСС-н XX-ч хургин хөөн, бидн сургъульчирнан производствд кодлхд өбрдүлхин кергт чидлән нөөдж бәәхшвдн. Мана школд шоферин курс дасдж гарсн сургъульчир — 14 көвүн «Гигант» колхозин кодлмшт кодлджәнә. Эн колхозд кодләд мана сургъульчир күч-көлснә долан минъгъ гар өдр шинъгәв, нидн джил кест сургъульчир күч-көлснә 200—300 өдр шинъгәлә, 9 күн ВЛКСМ-н ЦК-н боли 19 күн ВЛКСМ-н обкомин грамотар ачлгдла.

Школин директорин келсн үг үнн. Сургъульчирин производственин бригадин члед 60 гектарт люцерн өвс ургъала, зун гектар газрт эрднишишә боли зургъан гектарт — тәрән-темс ургъадж авла.

— КПСС-н ЦК-н боли СССР-н Министрмүдин Советин тезисмүд ик үнтә документ. Мана колхозин производствур гүн медрләтә, сән дамшлт-та улс ирх, — гидж «Гигант» колхозин ахлач үр Ф. М. Жуков келнә.

Сарпинск дундин школин багшнр боли «Гигант» колхозин күч-көлсчир тезисмүдиг чик шиидвр гидж темдг-лдж бәәцхәнә.